

暖紅

座凍初開



彙刻傳刻西廂記增錄第十三種

曉虹題

明陸天池南
西廂記二卷

堯虹題檢



南西廂記序

唐元相微之蘊抱情癖假張生以自宣宋王性之辨之詳矣自侯鯖錄記時賢所著詞曲而優戲之源始開逮金董解元演爲西廂記元初盛行顧當時專尙小令率一二闋卽改別宮至都事王實甫易爲套數本朝周憲王又加賞花時於首可謂盡善盡美真能道人意中事者固非後世學士所敢輕議而可改作爲哉迨後李日華取實甫之語翻爲南曲而措詞命意之妙幾失之矣余自退休之日時綴此編固不敢

媲美前哲然較之生吞活剝者自謂差見一斑若夫
正人君子責我以桑間濮上之音燕女溺志者余則
不敢辭雖然余倦遊矣老且無用不藉是以陶寫凡
慮何由遣日況嘲風弄月又吾儕常事哉微之唐名
士也首惡之名彼且蒙之余亦薄乎云爾書此不覺
一笑呼童子歌吾曲以進酒清癡叟陸采天池自序

南西廂記卷上目錄

第一齣

提綱

第二齣

別杜

第三齣

遣鄭

第四齣

秋閨

第五齣

旅晤

第六齣

遇豔

第七齣

投禪

第八齣

賡句

第九齣

附齋

第十齣

嘯聚

第十一齣

閨情

第十二齣

遘難

第十三齣

請援

第十四齣

解圍

第十五齣

邀謝

第十六齣

負盟

第十七齣

衍諱

第十八齣

寫怨

第十九齣

傳書

第十次回

謝青

第十六回

真然

南西廂記卷上

西廂附錄十三種之十三

長洲清癡叟陸采天池

夢鳳樓

校訂

暖紅室

第一齣 提綱

南鄉子末上吳苑秀山川。孕出詞人自不凡。把筆戲書雲錦爛。堪觀。光照空濛五色閒。天意困儒冠。且捲經綸卧碧山。那箇榮華傳萬載。徒然做隻詞兒儘意頑。

臨江仙千古西廂推實甫。烟花隊裏神仙。是誰翻改

汚瑤編。詞源全剽竊。氣脈欠相連。試看吳機新織。
錦別生花樣天然。從今南北並流傳。引他嬌女蕩。惹
得老夫顛。
燭影搖紅。年少張郎。梵宮瞥見嬌鶯面。隔牆聯句送
春心。佛會情撩亂。強寇無端廝犯。請雄師剪除危難。
東君負約。兄妹通稱。不諧繾綣。兩地癡迷。琴邊月
下牽愁怨。紅娘遞簡暗成交。結遂鴛鴦願。老母知情
婚絆。別多嬌。春闈高選。讒人巧計。假信生疑。故人方
便。

賴婚姻夫人生出是非場。

說風情紅娘引得燕鶯狂。

聽幽琴崔氏兩寄有情詩。

結佳期張生一舉探花郎。

第二齣

別杜

破陣子

生上

虎帳乍談兵略。文場又促金羈。霜到蒹

葭添愁思。雁和清猿動別悲。徘徊不忍離。朝中措。簪

纓世業愧無承。半世困遺經。雄賦未投明主。新詩浪

得浮名。獨攜焦尾聊停畫轂。彈鋏故人庭。何日鸞

鳳叶慶。九霄得意和鳴張琪表字君瑞。本貫西雒人。
氏先君官拜禮部尚書。不幸父母雙亡。飄零數載。今
遇故人杜確元帥。鎮守蒲關。乃幼年入拜之交。小生
西上長安赴試。順便相訪。款留數月。不覺科場近也。
昨日分付琴童收拾行李完備了麼。

西江月 淨上三

晉雲山北向。二陵風雨東來。深秋景物最堪哀。況是
客鄉悲慨。

生閒把琴書整理。便將車馬安排。合笑辭

故友上秦臺。一躍龍門情快。

淨告官人行李完備了。

生請元帥拜辭。淨元帥來也。

齊天樂

外引未上

昨來把劍辭明主。佩虎符作鎮蒲

畿。玉帳霜清。牙旗風勁。又動平生壯氣。擬踏破賀蘭

生縛名王。方酬素志。生暫向黃花。浩歌尊酒。話心知。

生揖科鷗鵠。天生留滯。周南春復秋。西風霜滿黑貂

裘。外功名未上。凌烟閣。志氣平吞瀚海頭。

生山淡

淡水悠悠。客鄉風物動離愁。合相逢正是茱萸節。且

折寒花醉玉樓。外賢弟。今日重陽佳節。正好登高。怎

生說出離愁兩字。莫非管待不周。故有去意。生小生

感哥哥厚意。實欲久留。爭奈來春貞元皇帝大比之

年須赴科場。不得不去。外賢弟功名之事。下官不敢

幽留。再住幾日如何。生行裝已備。今晚就行。外左右

將酒過來。淨末勸君更盡一杯酒。西出陽關無故人。

酒在此。生小生借尊酒。先奉哥哥一杯。外有勞賢弟

玉芙蓉。生飄零湖海姿。蹭蹬雲霓志。見窮途伯樂。怎

不悲嘶。正待聯牀細話平生事。卻又彈劍重歌行路

詞。合休怨憶。管來春重會。看男兒笑驅駟馬下皇畿。

外回酒科

二外十年筆硯情。萬里追尋意。向天涯邂逅。握手談

詩。你獨攜玉劍輕拋去。我醉折黃花不忍辭。合前

三末金戈閃日明。鐵馬嘶風急。看轅門景物事事淒。合其先生關河此去須珍重。相公書札頻傳莫放稀。合

前

四淨疎林日漸低。遠道人休滯。論人生會合怎無離。異官人早攜長策干明主。元帥好放離觴別故知。合

前

朱奴兒生歎雲霄未堪准擬。怕風塵蹉跎遊子。外萬里前程自奮飛。努力奪錦榮歸。合蒲關青草十里綵。

旗共接取探花使。

長安此去欲何依。回首川長共落暉。

盡說陳琳工奏記。不妨從此躡丹梯。

第三齣

遣鄭

東風第一枝。老旦上遠水雲埋。遙山霧阻。傷心客路。

艱難。淨禪林旅況蕭條。西風車馬平安。貼幽棲未穩。

還憶著金谷清閒。合莫提他舊日繁華。教人轉覺心

酸。老旦金屋銀屏又隔年。亂蛩衰草掩禪關。貼殞宮

寂寂空蛛網。古木深深哭斷蟬。淨樂事已將衰事變。